

**Maki Naña Pol Siria Pa Pan
Li Nalelagaena Wa Lala Nae
Garu
KALESIA
Visayuena Na Tusi Nene**

Komþasnen suniena plas na tusi nini

Kalesia naga lepas keviu tai naña m̃eke vatanon Parin Suþe nae Rom, a m̃eke e purvanua naña nagane kiena kia Teki.

E pogos naña nalogena kiena Yesu la asiaria vena ava alologon kiena lologena wo, yaru la naña pe ape lus nae re Israel poli lala akekaran lologena wo nene paþisi.

Ana yaru laþasa asumãaga, naña e kiela sitomiena lala, asape visae yaru tai sinenan sape naga imi ve yaru lelaga nalelagaena kiena ne Yesu, naga monar taveve ke navisaluaena marua lala naña sumo na Ntewa mila pa Mosis. Ana Pol pis m̃arera kawe sitomiena nene, pisawoia sape þelaga nene pe mesmesu re nenaga. Naga pisawal merarava sape visae yaru naña sinenan tolen maliena e Kristo, purþesnen suri nene na sanene, naga monar lelaga ga e Kristo. E ga e þelaga nene, yaru makega akilia aimi amesmesu e marana Ntewa.

Ana e sumãare lala e pulkumali lala nae lepas nae Kalesia, yaru laþasa apimi akawe Pol e visena lala, apian li-nalelagaena lala asape visae yaru tai sinenan sape imi mesmesu e marana

Ntewa, naga monor taveve ke navisaluaena lala kiena Mosis.

Maki nini, Pol siria pan la naña asumã ataveve ke vianena nene naña pe po re poli, vena urela awasuþe si aimi e lelagaena na lelaga, a e þelaga la naña mesmesu. E kiena mñaki, naga siar visena, pisawal sape naga kilia vis vanla sanenen komin naga puarar yuñãena sane nalologena kiena Yesu Kristo, a li na lelagaena lala e yo pinuga apisukilia naga sanene. Naga pisa mñaga sape pe yaru la re apisa pania asape imi ve nalologena tai poli, ana Ntewa ke naña pisirlua naga narui, pio naga vena visawalen lologena wo va yaru la naña pe ape lus nae re Israel poli. A naga pisa luwega visena na kaweenã vianena viowa la nene, naga sape lelagaena kiena yaru ga kilia kila yaru mesmesu e marana Ntewa. E maran tusi maro na mñaki nini, Pol kila meraravan sape þelaga wo naña li nalelagaena la asumã akila, molue kome þelaga naña yaru sinensi wenlai a vinena, komin nanene nauï naga þelaga po na malien kiena ne la naña amlelaga e Kristo.

Komþasnen tusi la na nini

Visena nasumo 1:1-10

Nañareraena sike e Pol komin naga pe nalologena tai 1:11—2:21

Ntewa sumã miila ita e kiena lemamiãna 3:1—4:31

Li nalelagaena la apimi po, ana kiela yuñãena sumãga 5:1—6:10

Visena maro 6:11-18

Pol siar kiena visena pan la

1-2 Inu Pol nesiri m̃aki nini piṃasu pan amiu, amiu p̃egas nen li nalelagaen lala garu laṃas nae Kalesiá, a inu nemio kieta wolai lala nae e yo nini, imimi mepiun tan amiu mesape sanape amiu asuṃa pogaga pona amiu asike sanape? Inu nena nini naṃa Yesu Kristo, amio Ntewa Arimata, naṃa naga pisirlua sina ga Yesu e marena, lalua ne na nene lalua amligan inu nepe yaru nalologena, ana in na sanene, pe yaru re naṃa pio inu poli, a pe yaru re m̃ena ga naṃa naga mligan lua inu sanene poli. Ee, amiu na monar ayagon ya naṃa nevisawalia.

3 Inu sineun nesape Ntewa Arimata amio Suṃe Yesu Kristo, lalua amligan lemamienna amio suṃare sike e amiu.

4 Yesu Kristo, naga kila mesmesu sa naṃa Ntewa Arimata naga sinenania, naṃa naga taṃan naga mare vena war plan kieta mlamulena viowa lala, vena kilia werelua ita e mlamulena viowa naṃa tesike ea.

5 Vanon sur ne na nene, p̃isi na ita teyeluar manene kia kiena ne Ntewa nene va metava silaga, vano vano taṃatete p̃isi. Sanene.

Lologena Wo, taaga ga

6 Inu nemilan amiu paṃisi, naṃa Ntewa naga pio amiu rui, a Kristo kila po pan amiu paṃisi rui, ana pe e re ga e pogos nene poli ana amiu asuṃa aṃure ke sina ga petan Ntewa, naṃa amiu asuṃa ataveve ke sina ga visena tai naṃa sane lologena wo taṃena tai.

7 Ana tařatete si lologena wo tařena tai ve sanene, komin nařa lologena wo taaga ga nene nařa sike na. Inu nemloge apisa sanini, vanon nařa yar lařas nařa akila ke sinemiu la pilovilopuia, nařa la sinelan avilopu lologena wo kiena ne Kristo imi ve tařena.

8 Ana visae imimi yaru tai, pona navisi nae peni tai, pona a re mřena ga, nařa naga lologon nalologena wo tai, nařa pe toroki re amio nařa imimi mepisawal pan amiu sumo rui, ve sanene popon manene nařa yaru nene akoven vitove e lele na logeen viowa.

9 Ee, in na nevisawal ke sina ga nene, van amiu narui, nesape visae yaru ai nařa pisawal visena na lologena wo tařena tai pan amiu sumo rui, nařa pe tařenan lologena wo nene nařa amiu amla řisi rui, ana řisi na yaru nene naga monar ala nakoaena viowa vania e kapi.

10 In na nekilia nesape yaru lařasia apisa kare inu yam mok rui, apisape in na sineun ga nesape yaru lala aloge wo e kiau visena lala, ana amiu amloge kiau visena mřarera nene sanape? Pona yoko yaru lařasia sinela kar inu yo, ana pogaga, komin nařa ya ne in na sineunia, in na sineun ga nesape Ntewa, naga kekaran kiau visena, komin nařa visae in nemlologon ga vena yaru la aieluar inu, ve sanene in na pe nepe yar lelaga na yumřaena kiena ne re si Kristo poli narui.

Pol pisayu nařa Ntewa pio naga

11 Wolai lala amio vineu lala, popon nevisa meraravan van amiu, sane, lologena wo nene

naña nepisawal ke ne, naga pe visena re tai naña yar la asiar poli.

¹² In na pe nemla re lologena wo nene tan yaru tai poli ana pe yar re tai naña pian inu e poli, peraga. Ana Yesu Kristo naga ga kipian ruru inu e lologena wo nene merarava.

¹³ Nanene na sa naña amiu amloge rui, naña kiau namalena nanua sumo na sanape, e pogos naña in na nesike loyuma e lotuena kiamimi imimi le Yu lala. E pogos nene, inu silaga sineu kari luen ga pegas nen nalelagaena lala kiena ne Yesu, ana nemene la nekila kare la naña pe nesitom la re nena poli, komin naña sineun nesape nalelagaena la ne sanene na monar toko ga.

¹⁴ E pogos nene, netaveve ruru pelaga na lotuena kiamimi imimi le Yu lala, taulu yaru tañena lala naña imimi na sane teras taaga, a inu nepuarar visena marua lala kiena ne repimimi la marera, naña kiamimi apua le Yu lala naña asuma ataveve pimi tol nanagane.

¹⁵ In na nekila ke sanene pano pano-o, ana inu pe nekilia re naña nesape Ntewa naga pisaar inu pisi rui, e pogos naña in na pe nepaeme re poli wa. Ana e ga e kiena lemamiena, naga pio inu vena neve kiena, a e kiena sitomena wo,

¹⁶ naga kila narina malivin inu vena nevisu kilale naga, vena nevano nelologon Yesu nene van la naña pe ape Yu re poli. E pogos nene, ana pe nepa re nepisu yaru tañena la pas poli vena

nela nakiliaena laþas tan la e leþas na lologena wo nene,

¹⁷ a pe nepa re mēna ma Yerusalem poli vena nevisu nalogena la naþa la ape nalogena sumon inu vena neviun tan la nevisave “?Þisi na nelologon ya ne, pona nevisawal visena ve sanape?” Peraga, pe nepa nepiun re sanene poli, komin naþa Kristo naga kila make sur la nene merarava pan inu þisi rui. E pogos nene in na nemligan la vilaga, nepa perina paþisi e purvanua naþa Arepia, a siraunia neþasuþe ke sina ga nepimi, nepa yalensilau ga nepa garu e pulkumali naþa Tamāskas.

¹⁸ Siraun naþa kas telu þarovia, ana e pogos ga nene narui in na nepa si ma Yerusalem. Nepa ma Yerusalem nepa nakaten Pita, ana pe nesu re nemio naga piavi poli, ana nesuþa nemio tol ga legiena lualima taaga pa lima.

¹⁹ A e pogos nene, in na pe nepisu re mēna nalologena taþena laþas poli, ana nepisu ga kiela nasumonena naga taaga, naþa Semes naþa naga wenla kieta Suþe.

²⁰ Naga nene narui, ya naþa nepisa ke pan amiu, naga lelaga pe nepisokan re nene poli, Suþe kilia mēaga.

²¹ Sanene narui, inu nesike ma Yerusalem pe piavi re nena poli, a siraun nene, inu nepa nemial vivia leþas lua nene naþa Seria amio Silisia,

²² kila sanene narui e pogos nene, nalelagaena lala nae ma e leþas taþena naþa Yutea, amio

kana pulkumali keviu nena naþa Yerusalem, la nene pe akilia ruru inu re poli wa.

²³ La amloge ga ya naþa yaru la asumã apisa ke, naþa apisape, “Yaru nene nanua sumo naga mñene kare ita paþisi, naga sumã kilali naþa kila kare kieta nalelagaena, ana nanagane naga sumã mlologon ke mārera e kieta nalelagaena nene paþisi.”

²⁴ A komin suri ne nanene, la asumã amieluar Ntewa keviu naþa naga pilon kiau malena sanene. Ana la asumã apisirilua kia kiena ne Suþe vanon inu.

2

Nalologena taþena lala apiran ruru amio Pol

¹⁻² Siraun kas lualima taaga pa vari þarovia, ana Ntewa pisa pan inu sape monar neva si ma Yerusalem. Nemloge Suþe pis sanene narui, ana imimi lua Panaþas, imimi lua mepavini, a nepure mñena Taetas pimi taveve imimi lua. Metol ma Yerusalem, ana metotano e viorena tai, memio nasumonena lala na sumare naþa la ga apimi loyuña ea. E viorena nene, nepisawal visena lala naþa inu nemlologon ke pan yaru la naþa pe ape le Yu re la poli. Inu nepisayu ruru sur punu ga naþa nekila pan la, komin naþa pe sineun re nesape yoko la asitom avisave in na pe nemiyuñae memes re poli, ana pe pon re avisa kare kiau yuñæna imi tol pogos nini poli, ana kila sane kiau yuñæen nanene imi ve sur korena ke sina ga.

³ Sumo in na nomãape pona ãisi na la amãareran van inu, vena nevisave yar la naãa pe ape le Yu re poli la m̃ena ga monar ave ãaviu. ?Ana viorena nene pisa sur ya? E lepas na kiau erau nene Taetas, naga pe nae re Yu poli, naga yaru nae Kris tai, naãa naga pe pe ãaviu re poli, ana la pe apirurua re naga asape naga monar ve ãaviu poli.

⁴ Ana e viorena, yaru laãas naãa sinelan asape Taetas naga monar ve ãaviu, ana nepisu yaru la nene sa naãa la apisa apisape ape kieta wolai lala, ana la apisokan ga. La nene la apimi vinau ga loyuãa e viorena vanon la sinelan ga visu imimiena, naãa imimi mepian ke mesape imimi mepimi mepe taaga memio Yesu Kristo rui, ana ãelaga marua la nene pe piar imimi re si poli ana imimi moãisin rui. Ana la nene pe akekaran re nena kiamimi visena nene po, la sinelan asape akila navisaluaena la nene na loãuena kiena ne le Yu lala monar aviar punu ita m̃aga.

⁵ Ana imimi pe metaãan re naãa la ato metavan imimi poli, vanon naãa imimi mesitom paãisi naãa mouarar ruru visena na lelagaena na lologena wo nene, vena ãisi na amiu atol ruruia.

⁶ Ana e viorena la ãasia naãa yeririna la apisape ape kiela nasumonena la asumãa, ana inu pe nesitom re nesape la ape yerkawa pona la pe ape yerkawa re poli, nanene na pe pe sur re tai nene poli, vanon Ntewa naga sitom korena ga kia la ne sanene. Ana nasumonena ne la nanene, pe la apian inu re e sur viu tai poli vena nelologonia.

⁷⁻⁸ Peraga, pe sa re nene poli. La apisu

kilale ga asape Ntewa, naga e kiena puriukawa, naga mligan inu nepe yaru nalologena tai, vena inu nevisawal lologena wo van la naþa la pe ape le Yu re poli, sa naþa e kiena puriukawa mēna ga, naga mliganar Pita þisi rui, vena naga ve nalologena tai vena naga mēna ga visawal nalologena wo va le Yu lala.

⁹ Ana Semes amio Pita a Yoane, naþa yeririna lala la apisa apisape la telu nene la ape kiela nasumonena, la telu nene la apisu kilale naþa Ntewa naga mligan yuñnaena wo nene e luñau e kiena lemamiēna. Ana la telu nene la apim atalopan imimi lua Panaþas, sa naþa imimi mepe þegas taaga memio la, ana imimi punu ga metañania vena imimi mevion yuñnaena lala, sa naþa sane imimi lua meva melologon e yo kiena ne yar la naþa la pe ape Yu re poli, a lala na yoko la alologon e yo kiena ne le Yu lala.

¹⁰ A la nene amla ga visena taaga ga pan imimi, asape imimi lua monar mesitoñal kiela yar la naþa pe kiela sur re poli, vena meila la, ana nanene, naga sur tai naþa e pogos nene in na nekekaran þisi rui vena neyuñnaen ve sanene.

Pol pis mārera pa Pita vena visaluþar naga

¹¹ Siraun na nene, inu nepito ke sina ga nesike garo e pulkumali nene Antiok, ana pogos naþa Pita mālavin imimi e yo nene, nesuñalu e marana ne nalelagaena lala, nepisalupþaria, vanon naþa merarava ruru nena po naþa ya ne naga kila, ana pe mesmesu re poli.

¹² Nanua sumo, Pita kila mesmes ga naþa naga sumo kinana ke ga amio kieta wolai lala naþa la

pe ape le Yu re poli, ana siraunia, Semes mligan kiena yeririna la p̄asia apim gar Yerusalem, ana la apis pa Pita, apisa apisape “La naṗa pe ape le Yu re poli, la m̄ena ga monar ave p̄aviu, ana visae peraga, Ntewa naga taṗatete tamalia la.” Visena nene naga pe taveve re nena ya naṗa viorena keviu naga pisa p̄esan poli, ana kila kare sitomena kiena ne Pita kila naga marau, ana naga pe kekaran re si su lele taaga amio nalelagaena la nene naṗa la pe ape p̄aviu re poli.

¹³ A pe Pita re ga naga taaga poli, ana kieta wolai m̄ena la nae e yo nene, naṗa la ape le Yu, pimi tol m̄ena ga Panaṗas, la nene ataveve m̄ena Pita e sitomena na marauena nene.

¹⁴ Ana pogos naṗa nepisu la nene asum̄a amial ke e mrapa tai naṗa pe mesmesu re amio ya naṗa lologena wo pisa poli, inu nepis m̄arera pa Pita e marala, ne pisa sanini nepisape “Pita, lelaga kemua naṗa ko ope le Yu tai, ana po paṗisi ana ko osun̄a naṗa nanua sumo rui, naṗa okekaran m̄ena ga p̄elaga kiena ne yar taṗena la rui, naṗa ko okinana ga lele taaga amio la p̄isi rui. ? Ana sanapen nanagane narui, naṗa ko osape om̄areran ke sina ga la nene naṗa la pe ape le Yu re poli opisape la monar ataveve kieta p̄elaga ita le Yu lala, naṗa opisape la m̄ena ga la monar ave p̄aviu ve sa ke ga ita?”

Yaru ai naṗa piawa e Yesu, Ntewa tamalia naga

¹⁵ A e pogos nene, in na nepisa ruru pan la sanene nepisape, “Ita punu ga na, ita tepe lus kemua kiena ne le Yu lala. Ita na pe tepe yaru

tañena re la poli, sane la naña le Yu la moki asitom asape ape kororaki ga.”

¹⁶ Peraga, ita tepe le Yu kemua lelaga, ana nanagane, ita tekilia rui, sa naña yaru tañatete mesmesu amio Ntewa, vanon naña naga sumña taveve ruru ke ga navisaluaena kiena ne Mosis. Yaru ga naña naga mlelaga e Yesu Kristo, naga ga kilia mesmesu amio Ntewa. Sitomena nena nene narui kila ita le Yu lala ita mña ga monar telelaga ga e Yesu vena ita mña ga temesmesu temio Ntewa. Ana amiu monar akilia ruru visena nene naña Visena Wa kiena ne Ntewa pisa, naña pisa pisape pe yaru re tai naña naga kilia mesmesu amio Ntewa poli vanon naña naga sumña taveve ruru ke navisaluaena nene.

¹⁷ Ana ita le Yu lala, ita tesitom ke tesape temesmesu temio Ntewa narui, ana pe sa re nene poli. Ana visave lelaga kemua naña ita tepe le Yu mña ga, ita monar telelaga ga e Yesu Kristo vena ita temesmesu temio Ntewa, in na nesitom nesape pona yaru lañasia amloge piowagan visena nene, pona la apisali naña apisape visena nene kila sane ita le Yu lala ita tepimi tepe yaru lala na mlamulena viowa maran taaga ga temio la naña pe ape le Yu re poli. Ana pona akilali mña ga naña apisape ve sanene, nanene naga kana kinasia sane Kristo ke nene narui naga kila ita le Yu lala ita tepimi tepe yaru na mlamulena viowa ga. Ana peraga, pe sa re nena nene poli.

¹⁸ Nanene vanon nanua sumo, in na nesumña nekilaroro ke ñelaga marua lala navisaluaena

nene rui, ana visae nagane nevisirlua ke sina ga ðelaga na taveveen navisaluaena nene, naða nesape ita monar teve ðaviu a ita monar tekila ve sanene vena ita temesmesu temio Ntewa, naga nene kila sane nanua sumo in mēna ga nepe yar na kilaroen navisaluaena narui.

¹⁹ Lelaga, Navisaluaena nene naga sinenan pisape kila inu nemare, vanon naða nekilaroro ke navisaluaena lala. Ana nanagane Navisaluaena nene naga sa ga sur mare ga tai e inu, inu neðisin naga rui. Nemligan Navisaluaena nene rui, vena kiau malena su ga e Ntewa narui. Sa naða asuar inu e laki torovia nemio Yesu, nemare nemio naga,

²⁰ a nanagane sa ga naða pe in re si naða nemal ke ne poli, ana Kristo na mal ke e inu. A kiau malena nanagane, naga komin naða nepiawa ke e Narina Ntewa, naða naga sitom inu paðisi, naga tañan kiena malena, naga mare wo inu.

²¹ E ðelaga nene, tepisu naða lemamiēna kiena ne Ntewa keviu paðisi, ana in na taðatete naða nekila kiena lemamiēna imi ve sur korena tai, komin naða visae yar tai kilia mesmesu kemua amio Ntewa vanon taveve navisaluaena, nanene sane Kristo mare kemua na pe suri korena ga.

3

Le Kalesia lala akilalu mrapa

¹ In na nepisu amiu le Kalesia lala sa ga naða ðarimiu pe wowe pa rui. ?Pona yaru laðasia akila male e amiu yo, ana nane amiu apa akila pal mrapa sanene? Inu nepisawal ruru merarava e maramiu ðisi rui, sanape naða Yesu

Kristo mare e laki torovia, a nanagane narui amiu apano ape tañena narui.

² In na sineun nesape neviun naviunena tai van amiu sumo wa. Naviunena ne sanini, sape “? Amiu nene, naña amla Ninuna Wa nanua sumo rui, Ntewa mla pan amiu vanon ya? ?Amiu amlavia komin naña amiu amlogear navisaluaena la nene kiena ne Mosis?” Peraga, amiu amlavia komin naña amloge nalologena wo, ana asuñña amlelaga ea.

³ Sumo, amiu asiar malena viu amio Kristo e nañareraena na Ninuna ne Ntewa, a nanagane asitom asape añisin ga e kiamiu nañareraena ga? !Tañatete ve sanene, peraga! !Amiu asuñña apa ape wowe la narui!

⁴⁻⁵ E kiamiu namalena viu nene, suri wo la moki naña pimi mñalivi e amiu rui, sa naña Ntewa naga mla ke kiena ninuna pan amiu, a naga suñña kila ke kile lala e maramiu, ana sanape, pona amiu na pe apisu kilale re poli yo wa sa naña sur la nene apimi e amiu komin ya. Amiu monar akilia ruru sa naña Ntewa naga kila ke sanene, pe komin re naña amiu amlogear ke navisaluaena nene poli, ana komin naña amiu amloge ga lologena wo, ana amiu amlelaga ea.

?Ya ne po? Navisaluaena, pona naviawaena e Kristo?

⁶ Amiu asitom li yermarua Epraam, naña Visena Wa kiena ne Ntewa pisayu naga, pisape “Vanon naga piawa e Ntewa, ana kila naga mesmesu amio Ntewa.” *Nas 15:6*

7 Ana yaru tañena la naña apimi sirau naña la añasine Ntewa sanene, la ape lus kiena ne yermarua Epraam kemua la lelaga.

8 Ita tekilia tevisu e Visena Wa naña lologena wo nene naña ita tesuña temlelaga ke e nanagane, Ntewa naga pisawal nanua sumo sumo la rui, pogos naña pisa pa Epraam pisa pisape
 “E ko ñisi na Suñe kilia visa ruru lus kiena ne yeririna lala na yomarava nini.”

Taveve visena nene, Visena Wa kiena ne Ntewa pisaar ñena ga rui pisape ñisi na Ntewa kilia kila yaru lala naña pe ape le Yu re poli a mesmesu amio naga, visave apiawa e naga.

9 Ana la naña la apiawa ke e naga sanene, ana kana kinasa sa naña Ntewa naga pisa ruru la ke nanagane, sa naña naga pisa ruru Epraam sumo, komin naña naga piawa e Ntewa.

10 Ana la naña asitom ke asape yoko akilia atol malena komin naña la asuña akilali ke naña alogear navisaluaena lala, la nene la asike vatanon naliñereen tai rui, komin naña pe yaru re tai naña mlogear make navisaluaena la nene poli, a Visena Wa kiena ne Ntewa pisa pisape,
“Yaru la naña la pe amlogear re sur la punu ga naña asike e tusi navisaluaena poli, la monar atol nakoena.”

11 Sanene narui ana merarava ruru pan ita naña yaru tañatete imi mesmesu amio Ntewa komin naña naga logear ga navisaluaena nene ana sa naña Visena Wa kiena ne Ntewa naga pisa naña pisa pisape

“Yaru naþa naga mesmesu amio Ntewa komin naþa naga piawa e Ntewa, naga ga kilia mali.”

¹² Visena ne na nene naga pisayu þelaga naviawaena, a ita tekilia tevisu naþa þelaga kiena ne naviawaena nene amio þelaga na nalogearena e navisaluaena, lalua pe maran taaga re nenaga. Nanene komin naþa þelaga na logearena Navisaluaena, naga sumþalu se lepas na suri la punu ga naþa yaru ga kilia kila sa naþa visena wa pisa, naþa pisape yaru ga naþa kila punu sur la naþa navisaluaena pisa, naga kilia tol malena ea.

¹³ Ana komin naþa ita na pe yaru re tai naþa naga kila punu sur la naþa navisaluaena nene pisa poli, ana Navisaluaena nene naga pisaar nakoarena amio marena pan ita punu ga. Ana Kristo naga pitomi narui, þurelua ita e naliþereena nene, taþnan naga kus leleta, ana naga pa sike vatanon naliþereena nene, naga nene na sa naþa Visena Wa pisa, naþa pisape
“Yaru naþa apiar naga atelania mon metava e purlaki, vena mare komin naþa naga sike vatanon e naliþereena kiena ne Ntewa.”

¹⁴ Kristo taþnan naga sanene, vena la naþa pe ape le Yu re poli, la mþena ga akilia atol navisa ruruena la nene naþa Ntewa naga pisaar pan Epraam, ana suri nena nene kila sane nanagane ita naþa tepiawa mþarera e Kristo, ita tekilia tela Ninuna Wa nene naþa Ntewa pisaaria pisape la van yeririna lala.

Navisaarena pimi sumo, Navisaluaena naga pimi sirau

¹⁵ Wolai lala a vineu lala. Yoko nevisa suniena tai e ga e kieta malena naña kana kinasa pa lavisin ga navisaarena nene kiena ne Ntewa naña pa Epraam. Visae yaru tai visawal maron kiena visena, visave pogos naña nemare, yoko kiau sur lala naga monar ve sa nene ve sa nene, ana naga siriar kiena navisaarena nene sike e mñaki tai, ana pogos naña visave naga kovio, la tařatete avilopu kiena navisaarena nene.

¹⁶ Pogaga, ana sanene, Ntewa kila kiena navisaarena pa Epraam, a e kiena lusia. Ana e visen nene pe pisa re pisape Ntewa naga kila kiena visaarena e “Lus kiena ne Epraam la poli,” naña kana kinasa sane yeririna moki, naga pisa sanini, pisape “E kiena lus tai,” naña naga pisa sane yaru taaga ga, a yaru nane, naga Kristo.

¹⁷ Kiau visena e lepas nene kana kinas sanini nanua sumo Ntewa naga pranaria amio Epraam, a Ntewa pisaar pisape uarar kiena naviranarena lalua nene m̃arera. Ana siraunia kas ponotia vari lualima yam telu řarovia řisi rui, ana navisaluaena kiena ne Mosis pimi m̃alivi ana navisaluaena nene naga tařatete kilaro naviranarena nene naña sike pa rui, tařatete si kilia yumulua naviranarena kiena ne Ntewa.

¹⁸ Ana visae ita tekilia tetol navisa ruruena lala kiena ne Ntewa komin naña ita tesuñia tetaveve ke ga Navisaluaena nene, naña naga pe sur tai naña pimi ga sirau, nanene naga kana kinasa sa naña navisaarena kiena ne Ntewa nene naña su la nanua sumo rui, naga pimi korena ga. Ana ita tepisu naña Epraam naga tol navisa

ruruena lala kiena ne Ntewa nene, komin ga naña naga ñuarar ruru navisaarena kiena ne Ntewa, pe komin re Navisaluaena poli, komin e kiena pogosia, Navisaluaena pe pimi ñalivi re poli wa.

Navisaluaena naga kiena yumãena sumã ga

¹⁹ Poga, ana pona kana naviunena tomã ga, naña pisa pisape “?Ve sanene, Ntewa mligan Navisaluaena kiena ne Mosis nene pe na ya pona komin ya?” Pogaga, nevisa van amiu narui, sanini, Suñe naga mligan ke sina ga Navisaluaena nene to metavan kiena naviranarena, vena iila ita yeririna lala tekilia tevisu kilale kieta mlamulena viowa lala. Ntewa mligan navisaluaena nene vena sumãlu su ñaga, vano vano tol pogos naña yar nene naña pe lus kiena ne Epraam, naña Ntewa pisaar pan imimi pimi ñalivin ita.

Ana ita tepisu naña Navisaluaena naga kiena yumãena wo tanea tomã ga. Ana ita monar tesitomãlia sane Navisaluaena nene, pogos naña pimi ñalivi, kom ñesan puna ne navisi kiena ne Ntewa lala, siraunia amla pan yaru tai, naña Mosis, ana naga mla pimi mla pan yeririna lala. Ana pogos naña Ntewa naga kila naviranarena nene amio Epraam, nanene na pe sa re nene poli.

²⁰ Ana pogos naña lalua nene apiran ruru ke kiela visena lele taaga, ana pe navisi re poli pona yaru tañena naña sumã likan lalua vena la visena, ana Ntewa naga ga taaga naga pisawal kiena navisaarena nene mesmesu e marana ne Epraam.

²¹ A nanene naga pe sa re naña asape Navisaluaena nene kilali naña kalwo navisaarena kiena ne Supe poli, peraga. Komin naña visae Supe naga kilia la si navisaluaena taņena naña visae ita telogear make ga ana kilia kila ita temali, pona naga mligan navisaluaena nene pimi yo rui vena ita tekilia temesmesu temio naga.

²² Ana pe sur tai sa re sanene poli, komin naña Visena Wa pisa pisi rui pisape ita punu ga tesike vatanon naņareraena na mlamulena viowa, ita tesuņa tekilaro ke ga navisaluaena lala. Ana navisa ruruena naña Ntewa pisaar pisape yoko ligan imi, la akilia aimi la aņalivi e ita komin ga naña ita tepiawa ke e Yesu Kristo.

Pogos na wasineen Kristo pimi mņalivi rui

²³ Sumo rui, pimi tol nanagane tekilia tepiawa e Kristo, navisaluaena kiena ne Mosis nene piar ita naņara pa pisi, sa ga naña tesike e yuņa na koena rui.

²⁴ Navisaluaena nene, naga sane pisuar ita, sa ga kieta navianena tai, pimi tol pogos naña Kristo pimi, vena e pogos nene, ita tekilia teviawa e naga narui ana tekilia temesmesu temio Ntewa.

²⁵ Ana nanagane, Navisaluaena nene taņatete si kilia visuar ita, komin naña pogos na viawaena e Kristo naga pimi mņalivi pisi rui.

Amiu punu ga ave taaga e Kristo narui

²⁶ Ana komin naña amiu apiawa e Kristo Yesu, ana amiu punu ga amio Kristo ape narina ne Ntewa.

²⁷ Akee amiu pisi rui, ana amiu apimi ape taaga amio naga, sa naña amiu akus pelaga wo

kiena ne Kristo lala e amiu, sa naþa amiu amien kulsota lala e yepemiu.

²⁸ Nanagane amiu punu ga apimi ape taaga ga e Kristo Yesu, suri ne na nene narui, amiu punu ga atorok ga. Popon ita monar ve teliþere re si yaru lala, tevisave nanene pe Yu, a nanene pe yaru nae ga lele taþena, pona tevisave nanene pe yerkaawa, a nene naga pe yar nayumãena ga, pona sane nanene pe yermene, ana nanene naga pe sira ga. Ana þelaga nene monar ve to re si e amiu.

²⁹ A komin naþa amiu ape kiena ne Kristo sanene, amiu ke la nanene narui amiu ape lus kiena ne Epraam kemua lelaga, a ve sanene, navisa ruruena lala naþa Ntewa naga pisaaria pa lus lala kiena ne Epraam, þisi na amiu ke narui amiu akusia.

4

Ita tepe narina ne Ntewa

¹ Ana þisi na nevisa re laa e kieta þelaga nene sane vena nevisa ruru laa merarava sane e lepas nen Navisaluaena nene. Visae yaru tai, ana naga mare, þisi na narina naga kus kiena suri lala. Ana visave nisisi nene vitokaki ke ga wa, þisi na naga taþatete kilia visuar sur la nene. Naga sa ga yaru na yumãena kiena ne ariman ga,

² naþa þisi na naga monar sumã ga vatano e liman yaru taþena ga lala, sane arimana taþena la nene, vano vano tol mesmesun nena pogos

naña arimana naga pisawal sumo rui, pisape naga kilia uarar sur la nene e pog nene.

³ E mēna ga e ita sanene, naña sumo, ita na sa ga nisisi, naña ita kieta sitomena lala sike ga vatano e yermare lala na sumo na yomarava nini.

⁴ Ana pimi tol ruru kana pogos nena, Ntewa naga mligan narina pimi, naña sira tai naga p̄aria, paeme e yomarava nini, naña naga paeme vatano e Navisaluaena kiena ne le Yu lala.

⁵ Naga paeme vatanon Navisaluaena nene, kapur ea, vena naga kilia wereplan imimi la naña la asike vatano e Navisaluaena nene rui, vena Ntewa kuslua ita, teimi teve narina lala.

⁶ Ana nanagane, sa naña ita tepim tepe narina lala, naga mligan Ninuna kiena ne narina pimi e losineta lala, naña kila ita tekilia tevio Ntewa, tevisave “Ata Ata.”

⁷ Komin sur ne nanene, amiu na pe sa re si yar na yum̄aena ga la poli, ana amiu na ape narin Ntewa kemua lelaga, naña p̄isi na naga la suri wo van amiu sa naña naga pisaar pa narina lala pisape p̄isi na la akusia.

Pol sinena mie le Kalesia lala

⁸ Nanua sumo, pogos naña amiu pe akilia re Ntewa poli wa, amiu asike ga vatanon nam̄areraena kiena ne yermare la nene naña pe ape Ntewa re nenaga,

⁹ ana nanagane, amiu akilia Ntewa p̄isi rui, pona popon nevisa nevisave nanagane, Ntewa kilia amiu rui. Ana inu sineun nesape neviun tan amiu, nesape komin ya ne amiu sinemiun

awasuþe sina ga ava puna ne yermare la nene nanua sumo, naþa la pe aþarera re poli, a naþa la taþatete akilia akila wo van amiu pogos tai? ? Vanon ya ne amiu sinemiun asape asu ke sina ga vatanon kiela namareraena?

¹⁰ ?Sanape na amiu asuþa asitoþal ke legiena wa lala kiena ne la nene, a kiela kupario wa lala, a kiela pogos wa lala, a kiela kas wa sanene? Asitom asape þisi na Suþe kekaran amiu vanonia?

¹¹ !Aulai, akila inu nemaraun amiu paþisi! ! Pona nemiyuþae þarera pan amiu paþisi ana nepisu sane pe sur korena ga!

¹²⁻¹³ Wolai lala a vineu lala, nanua sumo kam na pe asu re vatanon navisaluaena poli, ana pogos naþa nepim nesike nemio amiu, in na nekila inu mþena ga nesa ga amiu. Ana nanagane, nemloge asape amiu sinemiun asape awasuþe si ava e þelaga na navisaluaena nene, a vanon sur ne nanene nepiun þareran tan amiu vena amiu na aimi ve sa ga in narui, naþa in na pe nesu re si vatanon Navisaluaena nene poli. Amiu asitoþali pogos naþa in na nemlologo pan amiu sumo, naþa kiau maiena ga kila narui noþal pulmas naþa nesike nemio amiu, ana pe sur korena ga naþa nemai e pogos nene, ana amiu na pe akila re nemloge piowa poli.

¹⁴ Peraga, ana kiau maiena nene kila kare amiu keviu wa, ana amiu pe amloge re piowa e inu poli, a pe asitom re mþena piowa e inu poli, peraga. Amiu aþure inu nepa e mþamiu yuþa lala, sa naþa visave in na neve navisi kiena ne Suþe tai, pona sa ga in na Yesu Kristo lelaga.

15 Sumo, amiu akekaran inu paṽisi, naṽa nepisu sa naṽa visave amiu akilia akila, poṽa amiu akekaran naṽa aurelua kilamaramiu vena aligan te kilamarau, vena iila inu. ?Ana sanape nanagane narui?

16 Pona nenagane, kiau visena lelaga la nene, akila inu nepimi sane kiamiu erau viowa sina. ? Ana ya ne sanene?

17 Yaru taṽena la nene naṽa nemloge apisape la asike amio amiu nanagane, ana la nene asuṽa apilonvilon ke lologena wo kiena ne Kristo, la apimi asuṽa veraga amio amiu vena ave erau wo amio amiu, vena akila amiu asu vatanon la, ana nanene la akila kotalia amiu ga ne. Komin naṽa la sinelan asape aure lua amiu ga vetan inu.

18 Ana pe nepisa re nesape vena in ga taaga ga nekilia nesuṽa nemio amiu poli, vena in ga taaga teve erau wo, komin naṽa ṽelaga nene naṽa na erau wo amio yaru taṽena, naga wo silaga, ana popon sane nakilaen ga yuṽaena wo lala.

19 Naruu lala, inu na sane sira tai naṽa ṽeṽena mlaea vena war sisi, sa naṽa nesuṽa nemloge piowa paṽisi vanon amiu, nesuṽa nemiyuṽae ṽarera pan amiu paṽisi vena amiu ala Kristo amio kiena ṽelaga wo lala e kiamiu malena.

20 Aulai, visae nesuṽa nemio amiu nanagane, nanene na kila inu neloge wo paṽisi. Visae ve sanene, ṽisi na nekilia nevilon li laa kiau visena vito tano sane, ana nanagane naṽa nesike perinan amiu sanene, inu pe nekilia re si po la rui sane aṽa sanapen amiu narui.

Suniena kiena Eka amio Serai

²¹ Amiu laþas naþa sinelan asape ita na monar telogear kieta Navisaluaena vena ita ve sa ke Ntewa, inu sineun nesape la avisatañe kiau nav-iunena tai, sape “?Navisaluaena naþa apisayuia, la asumã amloge kilale ke ya naþa Navisaluaena nene pisa pona pe apisu kilale re poli?”

²² Visena wa nene pisayu ke yermarua Epraam nene, naþa naga narina na yermene lua, naþa tai, sira naþa miyuñae kiena ne wona naþa Eka naga þaria, a narin taþena tai naga wona ruru napo naþa Sera naga þar maronia.

²³ Naga naþa paeme sirau, kiena kia Aisak, naga paeme komin naþa Ntewa pisaaria, a naþa naga paeme sumo, kiena kia Ismãel, naþa sira na yuñæna nene naga þaria, naga paeme ga sa ga nene.

²⁴⁻²⁵ Ana ita tekilia tela suniena nene sa naþa þakaiwa tai, naþa sira la lua nene, lalua na sa naþa naviranarena lua naþa Ntewa naga kila. Sira naþa Eka naga sa ga naviranarena naþa Ntewa kila e tavie keviu nae Sinae, nanene na e purvanua naþa Arepia, yo ne nanene naþa Ntewa mla Navisaluaena nene pa Mosis ea. Eka nene, naga pe sira na yuñæna ga tai, a narina mña ga lala la ape yaru na yuñæna ke mña ga lala. Sanene, Eka mña ga naga na sa mña ga pulkumali keviu naþa Yerusalem, naþa kana yaru ne lala apuarar Navisaluaena lala mñarera, ana la sa naþa ape yaru na yuñæna ke mña ga, komin naþa la asike vatanon navisaluaena nene narui.

²⁶ Ana sira taþena nene, naþa Sera, pe yaru re

tai naþa þuarar e yuþaena poli, naga ga, a naga nene naga sane Yerusalem taþena nene, naþa pe Yerusalem nae ma e peni. A narina ne Sera lala, la mþena ga la pe yaru re tai naþa þuarar la vena ayuþae poli ana la mþena ga asuþa ga sanene, kila sane Sera nene sane aneta naþa ita tepiawa e Kristo.

²⁷ Visena Wa pisayu li mþa sur la nene naþa pisa pisape,

“Sira nene, ko naþa sumo na ko ope luþalumþa ga, naþa mopomþa pe mlaeli re pogos tai poli vena waren sisi,

nanagane ko omloge po, ko okekara ko omiau, komin naþa womþa na yermþene mligan ko rui ana nanagane naruþa lala apimi ape moki la narui, ataulu la naþa sira naþa wona suþa amio naga silaga naga þar la.” Ais 54:1

²⁸ Visena nene naga sa naþa Ntewa naga pisaaria pisape yoko narina la ve moki, na ve moki a amiu kiau wolai lala a vineu lala, ita ke ga na ita tepe narina ne navisaarena kiena ne Ntewa nene narui, sa ke ga naþa kiena navisaarena nanua sumo naþa kila Sera þar narina naþa Aisak.

²⁹ Ana pogos naþa Aisak paeme sumo, sisi taþena nene naþa Ismþael naga paeme sa ga nene, naga suþa mþene nisisi nene naþa Aisak naþa naga paeme e yuþaena na Ninuna Wa kiena ne Ntewa. Ana pimi tol nanagane, tepisu þelaga sa ke ga nene na wa.

³⁰ ?Ana Visena Wa pisa sanape? Naga pisape Ntewa pisi pa Epraam, pisa pisape “Ko monar okuwanlua sira naþa naga pe sira na yuþaena

ga nene amio narina, komin naña narina nene, naga pe torokin re si naña la sur tai e kiomña sur la poli. Sur la punu ga monar va ga e limana narina naña sira naña naga ga naña womña naapo.”

³¹ Poga, erau lala, Ntewa pisa sanini, a inu nevisa van amiu nagane nesape ita nini, ita pe tesa re narina ne sira naña na yumñaena poli, naña ita tesike vatano e Navisaluaena kiena ne Mosis, ana peraga, ita na sane tepe narina ne sira naña naga sumña ga sanene, sa naña sane ita na temlelaga ga e Yesu. A sur la naña Ntewa naga pisaar pa narina na lelaga lala, p̄isi na ita ke ga na yokorena tokus narui.

5

Yesu pure plan pa nalelagaena la rui

¹ Pogos naña Kristo p̄urelua ita, naga kila sanene vena tomolue, naña ita tomolue lue, ana vena ita ve towasupe ita re si teva tesumña vatanon Navisaluaena kiena ne Mosis nene poli. Ve sanene, monar aviawa m̄arera, vena ve am̄areran amiu re si sa naña amiu na sa ga yaru na yumñaen lala, naña Navisaluaena nene piar manene ruru amiu ke sina ga.

² Amiu na ayagogo ruru e visena nene naña inu Pol nesumña nepisa ke pan amiu. Visae amiu atam̄an la am̄areran amiu avisave amiu ave p̄aviu, p̄isi na yumñaena nene naña Kristo naga kila p̄isi rui taapatete iila amiu.

³ Ee, nepisa ke sina ga visena m̄arera nene pan amiu, nepisape visae yaru naña tam̄an naga

ve p̃aviu, naga ga suṃña mligan ke sina ga naga sike vatano e Navisaluaena nene. A yaru naṓa sike vatanon Navisaluaena sanene, naga monar visuar ruru naga naṓa naga logear sur punu ga naṓa Navisaluaena nene naga pisa, visae peraga, yoko naga tol nakoena.

⁴ Amiu la p̃asia nene naṓa asuṃña akilali naṓa alogear Navisaluaena nene rui, vena amesmesu amio Ntewa vanonia, amiu la nene asuṃña ate plan amiu ke e Yesu rui, amiu apilon m̃asimiu rui e lemamiena kiena ne Ntewa.

⁵ Ana ita na, ita tesuṃña sinetan manene tesape p̃isi na Suṓe kila ita temesmesu ruru temio naga, komin ga naṓa ita tepiawa ga e naga, a pogos naṓa ita tesuṃñate ke ga wa, Ninuna Wa naga suṃña miila ita temlelaga m̃arera, tesape p̃isi na Suṓe naga monar kila sanene van ita.

⁶ Pogos naṓa ita tepimi tepe taaga temio Kristo Yesu sanene pe sur korena ga naṓa yaru naga pe p̃aviu pona pe pe p̃aviu re poli, ana sur keviu na e lepas nene nane kieta naviawaena e Kristo naṓa naviawaena nene naga kila ita tesitom Suṓe, a ita tesitom m̃ena ga yeririna taṓena lala.

⁷⁻⁸ Sumo na nepisu amiu akiriri na po paṓisi wa, ana nanagane, pe sa re si nene poli. Suṓe naga pio amiu sumo p̃isi rui, ana sineun neviun nevisave yeririna ai nene naṓa naga suwo amiu sina ga, naga kila amiu pe amlelaga re si e visena lelaga poli? !Pe Ntewa re nena poli!

⁹ Navianena viowa nene naṓa kila kare kiamiu sitomena naga sa naṓa visena pisa pisape “Narin

korme ga, ana naga kilia kila kare kilañiu la melkalka vařisi.”

¹⁰ Ana sa nařa amiu amio inu, ita tepimi tepe taaga e Ntewa, nesuřa nemlelaga řarera ke e amiu na wa sa nařa řisi na ita kieta sitomena ve taaga, sa nařa ita ve tořareran re si li na lelagaena lala nařa la pe ape Yu re poli tevisave la monar ave řaviu. A nemlelaga řena ga řarera ke ga wa nesape yeririna nene nařa suřa kila kare amiu ke sanene pe sur korena ga nařa naga pe yeririna ya, řisi na Suře naga la nakoena vana.

¹¹ Puruvi lala a vineu lala. Visena lařasia pisa ke pisape inu řena ga nesuřa nemlologon ke ga wa nesape li nalelagaena řena ga lala monar ave řaviu vena Ntewa kilia tamalia la, ana visena nene pe pe lelaga re poli. Visae nelologon ve sanene řisi na yeririna la nene nařa asike amio amiu akekan in ga. Ana amiu apisu ke ne, la asuřa sinela karin ke na wa, komin nařa kiau navisawalena e laki torovia naga suřa yumulua kiela sitomena lala.

¹² Inu na nesitom ke nesape yar la nene nařa la asuřa apilovilopu amiu ke sanene, akila ke sinemiu kurkur nařa la sinelan manene asape monar ave řaviu, popon ala playu ana asila ke sina ga, akila kare rurula ke sina ga.

¹³ Ana amiu nařa kiau erau lala, lelaga pařisi nařa Suře pure lua amiu rui, amiu pe asu re si vatano e Navisaluaena kiena ne Mosis la nene poli. Ana maramė amiu, avisuar ruru amiu, ve asitom re avisave, “Pogaga nene narui, in na nomolue e navisaluaena nene rui, inu ga taaga

narui. Pisi na nekilia nekila sur punu ga naña kiau sitomena sinenan narui.” Amiu ve avisa re sanene, ana p̄isi na kiamiu sitomen wo naga monar kila amiu akekaran naña aiila yeririna taņena.

¹⁴ Pelaga na sanene naga taveve ruru visena tai naña Navisaluaena naga pisa, naña naga kalo ruru visena taņena lala e Navisaluaena nene, naña pisa pisape, “Ko ositom nalavis puña lala, akila wo van la, ve sa ke naña ko ositom ko m̄aga.”

¹⁵ Ana visae amiu ave sa suri mali tetan lala, naña amiu ga agorua amiu, ana amiu ga asuña akarkare amiu sanene, ana monar avisuar ruru amiu, p̄isi na p̄elaga nene naga kila kare punu amiu ke sina ga.

Pelaga kiena ne Ninuna Wa amio p̄elaga kiena ne yeririna

¹⁶ Inu sineun nesape nevisa visena nene van amiu. Amiu nene na Ninuna Wa naga monar sumon amiu, amiu na ve ataveve re si kiamiu p̄elaga marua naña apaeme amio.

¹⁷ Vanon p̄elaga nene naña ita tepaeme temio, naga pe sinenan re p̄elaga kiena ne Ninuna Wa poli, a p̄elaga kiena ne Ninuna Wa naga pe kekaran re p̄elaga nene naña ita tepaeme temio poli. Suri nene naga sa naña p̄elaga la lua nene sane la lua ape nasinekar la ga, ana sur ne na nene narui, visae Ninuna Wa suña sumon amiu, taņatete si amiu akilia akila ga ya naña kiamiu sitomena sinenania.

¹⁸ Ana amiu monar ve sinemiu p̃esan re m̃ena ga naṓa visae Ninuna Wa naga suṓa sumon amiu, ana amiu ve asu re si vatano e Navisaluaena nene narui.

¹⁹ Yum̃aena la na p̃elaga nene naṓa yeririna lala la apaeme amio naga merarava ruru ga. Yum̃aena la nene la ne nanene narui sa naṓa nataṓaen lau, a sur la naṓa namawaena, a p̃elaga namname ga lala,

²⁰ amio nalotunen nono lala, amio nawarena kimi. Amio m̃ena ga, nagorualaena lala, nama-raena lala, navielueena lala, nasinekarena lala, napuluvisena lala, naliliṓereena lala, nakaween yaru lala,

²¹ a nasinesuniena lala, amio namunen wii keviu, a nam̃aagena viowa lala, amio m̃ena sur taṓena la sanene. Ana nevisawal sina ga van amiu, sa naṓa nepisawal pan amiu sumo rui, nesape amiu avisuaria vanon yaru naṓa suṓa kila ke p̃elaga la sa nene, p̃isi na naga taṓatete su e nasuṓenena kien Suṓe pogos tai.

²² Ana mras naṓa Ninuna Wa kila pitovi e malena kiena ne yeririna naga sane: nasitomiena, a nakekarena, a nasum̃areena, a namalumena, a nasinewoena, a nawoena, a nayepem̃aena,

²³ a navatanoena, a nawanaren sine. Pelaga la nene na po paṓisi, a pe visena navisaluaena re tai naṓa pisa luṓar amiu pisape amiu ve akila re si suri la nene.

²⁴ Ana p̃elaga naṓa ita tepaeme temio, amio kiena nasinenanena viowa la nene, ita tesuaria e laki torovia p̃isi rui. Nanene, ita naṓa tepe kiena

Kristo Yesu, ita temligan sur la nene ñisi rui.

²⁵ Ana komin naña ita temali e Ninuna Wa, popon ita teyali mēna ga e kiena ñelaga wo lala.

²⁶ Pe pon re towarwar ita poli, pona ita ga tekilaweke ke sina ga naña sineta mimi, pona ita ga tesuña tepieluen ita ke sina ga.

6

Amiu punu ga monar aiila amiu

¹ Kiau wolai lala a vineu lala, visae amiu yar tai naga loru e mlamulena viowa, popon amiu naña Ninuna ne Ntewa teke e amiu, amiu monar aiila naga vena akila ruru ke sina ga naga. Ana amiu monar avis malumu ga vania, sa naña amiu sinemiu miye naga, a amiu monar avisuar ruru amiu mēna ga, vena sur naña amiu akila ruru yaru tañena nene vanonia ve imi kila li amiu re mēna ga.

² Amiu na monar aiila amiu ve sa nene narui vena akuspae ga naurmiena kiena ne amiu tañena lala. Ve sanene sane amiu asuña amlogear ke ya naña navisaluaena kiena Kristo naga pisa ke narui.

³ Ana tañatete si avilave van amiu, sa naña yaru tai suña sitom ke naga pisape “In na yar tai nini.” Visae ve sanene yaru nene naga suña pisa kotalia ke sina ga naga ne, komin naña naga pe pisu kilia re sape naga pe pe yaru re tai nene poli.

⁴⁻⁵ Ana amiu punu ga monar amiu veve taaga avisu veve ruruli kiamiu yuñena lala naña akila. Visae sanene, yaru tai tañatete kilali

visu veveli sa naþa kiena yuþaena po taulu yar taþena lala, ana naga monar visu veve kiena yuþaena naga taaga. A visae kiena yuþaena nene po, naga kilia kekara narui, komin kiena yuþaena wo nene. Komin naþa yaru punu ga pe maran taaga re poli, la kiela naurmiena taþena lala peve taaga naþa la akus ke e kiela malena lala.

⁶ Amiu naþa asuþa apian amiu ke e visena nalelagaena, pogos naþa visae amiu alual narin sur tai popon amiu avion van amiu amio kiamiu navianena lala.

⁷ Amiu avisuaria, ve avisa kotalia amiu re sina ga. Ko taþatete otoroun Ntewa. Kurus nen ya naþa omapila e kioþa lokove, naga kana mras ke naþa þisi na ko ga okan narui.

⁸ Yar naþa mapila þelaga naþa naga paeme amio, yoko naga sane kurus nen sur tai e kiena malena, þisi na naga war mras viowa lala e þelaga nene, naþa marena napiowa ga, ana visae naga mapila þelaga kiena Ninuna Wa e kiena malena, þisi na Ninuna Wa naga la kinanena marua lala naþa po vania, naþa naga pe malena naþa ve uro re.

⁹ Ana þisi na ita tekilia towar kinanena wo lala e ruru e kana pogos naþa marua, visave ita ve teligan re yuþaena. Ve sanene, ita na monar ve sineta maren re naþa tekila þelaga wo lala,

¹⁰ ana ita na monar sineta wo va yaru lala silaga, a monar sineta wo va laa sane va la naþa ita tepe mratava taaga temio la e Kristo.

Visena maro kiena ne Pol

11 Poga, ĩisi na inu nesiri maron kiau visena la nene e ga e lumãau, nane amiu akilia avisu kana mras nen visena lala kerkeviu sanene.

12 Inu sineun nesape nevisa sanini, la naĵa sinelan asape amãareran amiu ave ĵaviu, nanene naga sa naĵa la sinelan ga vilaveena komin sur la naĵa na kulus nen yaru ga. Ana la sinelan asape akila sanene komin sur taaga ga, naĵa la sinela asape la akilia aligan nalologonena na laki torovia kiena ne Kristo naĵa kilia tamalia ita. Visena nene la yepel mavinia komin naĵa la amaraun asape saĵisi la asumã alologon lologena wo na marena kiena ne Yesu naga mesmesu ve sa nene, ĩisi na yar taĵena laĵasia amene la.

13 A la nene naĵa la sinelan asape amiu monar ave ĵaviu, la sinelan mēna ga ve sanene vena ĵisi na la akilia awarwar lan avisave la ataulu amiu ĵisi rui, naĵa la amligan amiu apito si vatano e Navisaluaena kiena ne le Yu lala. Ana amiu na avisu ruruia, komin naĵa la mēna nene la pe asumã amlogear re si sur la punu naĵa Navisaluaena nene pisa poli.

14 Ana e inu, pe sur re tai naĵa sineun nesape nowarwar inu e poli, ana e ga e laki torovia kiena ne kieta Suĵe Yesu Kristo, in na neĵarwar inu ea, komin kiena marena nene kila ĵelaga lala na yomarava nini la apimi sane sur mare ga e inu, a kila inu mēna ga nepimi sa ga yar mare ga tai e ĵelaga lala nataĵaliena na yomarava nini.

15 Naĵa yar tai imi mesmesu amio Ntewa, ana pe sur korena ga naĵa yar nene naga pe ĵaviu pona pe pe ĵaviu re poli, ana visae Ntewa naga sii ke sina ga yar nene imi ve yar viu sumo wa,

ana p̃isi na yar nene kilia imi mesmesu amio naga.

¹⁶ A naga narui in na nelen wo la naṗa p̃isi na alogear visena la nene, naṗa p̃isi na aĩmi ave le Israel kemua lelaga lala kiena ne Ntewa, nesape suṃarena kiena ne Ntewa a kiena nasineyeena sike amio la.

¹⁷ Kiau visena naga loka ga nene. Ana in na pe sineun re si naṗa p̃isi na yar tai kila ke sina viowa van inu sanene poli, komin naṗa nesuṃa noṗar ke piakapila kiena ne Kristo e tasneu rui, sa naṗa la akove inu a la aṃe inu.

¹⁸ Wólai lala a vineu lala, nemlen nesape p̃isi na nasineyeena kiena ne kieta Suṗe Yesu Kristo naga sike amio ninumiú la punu ga, Sanene.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 28 Dec 2024 from source files dated 31 Aug 2023

ee028e1c-7e53-571d-8041-681daaf580e8